

N pice CAMINO: Marcia francescana da Montone a Assisi

Dai 25.07 ai 04.08.2015 vá indô jogn y jones dai 16 ai 40 agn de dōta Italia n'edema a pe por arjunje Assisi ala festa dl pordonn (Portiuncola). An pëia ince ia da Balsan, acompagná da n valgügn patri franziscagn.

An vá indöt 6 dis por ca. 5-6 ores al de y al vëgn dormí te scores, convënc o sot al cil sarëgn! L'cost é de 280 €. Informaziuns plü menüdes ciafon pro pater Ulrich (ulrich.rauch@franziskaner.at o 0472 836325) o da Renate Valentini (renate@valentini.cc)

„Bewegung für das Leben“: von Südtirol nach Salzburg – pEinladung an alle interessierten Freunde für das Leben zum Gebetszug „1000 Kreuze für das Leben“ am 25.Juli 2015. Informationen: Tel. 0473 237338 oder Email: bfl@aruba.it - lebe@aruba.it


Presentaziun dl liber „Linies y spidic“ de Ruth Videsott en vëndres, ai 19.06.2015 dales 20:00 tl Istitut Micurá de Rù a S.Martin.

Detlaraziun EEVE : le Patronat dl sindacat Sgb/Cisl vëgn te Raiun Sozial a Picolin por pité ala jënt la poscibilité da lascé fá la EEVE che vëgn adorada por deplü sorts de domandes por contribuc y alisiraziuns. La porsona de referimënt é chiló vigni mertesc dales 15.00 ales 17.00 tla 3. alzada dl Raiun Sozial a Picolin, al ne vá nia debojëgn de n termin.



Gönne dir Ruhe
und lausche dem Murren des Wassers,
höre auf das Konzert der Vögel,
bewundere den Untergang der Sonne,
beuge dich herab zu den Blumen am Weg,
atme bewusst die Luft, die dich am Leben erhält,
erspüre den leisen Hauch des Windes der dich umgibt und sage:


Danke Herr für das Leben.



Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 29	Edema: 14.06.– 21.06.2015
--------	---------------------------

FESTA SACHER CÖR de GEJÙ



Vangele dla Domënia che vëgn - XII° ann „B“ (Mc. 4,35-41)

En chël de, canch'al ê gnü dassëra, ti á Gejù dit a sù discepu: I jun ia sòn l'atra spona. Ai á ortié demez la jënt y é piá ia cun chë barca, sòn chëra che ël ê senté; n valgönes d'atres barches l'accompagnâ. Te n iade él gnü n vënt rodel dër sterch y les ones batò sura barca ite, tan che la barca á metü man de s'implí d'ega. Mo ël s'un stò ponü te barca iade-do sòn n plomac y dormí. Ai l'á cherdé y scraiâ: Maester, ne t'un vëlel nia ch'i jun sot? Dailó él lové sò, ti á manacé al vënt y ti á dit al lech: Scuta, sta chit! Y le vënt s'á sboné, y al ê gnü döt chît. Y al ti á dit: Ciodî ëise pa na te' pora? Ne n'ëise ciamó degöna fede? Dailó ái ciafé na gran tēma y ai dijò un al ater: Cî sort de n chestian é pa chësc, ch'al é finamai le vënt y le lech che ti olga?

FUNZIUNS SACRES

14.06. **FESTA DL SACHER CÖR de GEJÙ**

- 09.00** Mëssa solena ciantada
Prozesciun Eucaristica cun 2 Vangeli
- 18.00 †to Antonio Palumbo
†ta Resi Irsara - aniversar
por fam. Vico y Martina Adang
por fam. Paul y Maria Frenademetz a S.Antone
- al cianta l'cor Kérygma -

16.06. Mertesc

- 09.00** Mëssa de conclujiun dl ann de scola
†ti Carlo, Gottfried y Maria Dapunt
†ti Max, Zilli y Albert Lerchegger
por fam. Lois y Rita Lerchegger

17.06. Mercui

- 07.30 †ti Iaco y Carolina Granruaz - aniversar
†ta Adele Pescollderungg – aniversar
†tes sorus Maria, Nane y Frieda Valentin

18.06. Jöbia

- 20.00 †to Otto Clement - otavare
†ti Lois y Trinele Craffonara – aniversar
†ti Paul y Petronilla Vittur

19.06. Vëndres

- 07.30 †to Hermann Irsara dl Gran Ander - aniversar
†to Siegfried Winkler – aniversar
†to Emilio Valentini de Col d'Anvi


20.06. Sabeda

- 16.00 Mëssa a Oies

21.06. **XII. DOMÈNIA dl ANN B**

- 09.30 *Corona por l'defunt Otto Clement*
- 10.00 Mëssa por la Comunità
- 18.00 †to Massimo Delmonego - aniversar
†to Lois Irsara da Castalta
por fam. Trinele Valentini da Pedraces

Dala VITA dla CÛRA



*To cör, o Redentur,
stluj ite l'monn intier,
por düc verd to amur
incö sciöche inier.
Al cör vá nosc amur
al cör che á tan sofrì,
al cör dl Redentur
che é gnü por nos trafigi.*

Recordun che en mertesc, ai 16.06.2015 sarál dales **09:00** la santa mëssa por stlù jö l' ann de scora 2014/15 a chëla che düc é inviá a tó pert.

Adio Scora – al mët man les feries

N ann de scora se röia. I orun reingrazié de avëi na scora nöia, mo ciamó deplö de avëi porsones che s'á insigné y a ciaré de nos; che s'á orü bun y mostré l'dër tru dla vita.

Bel ch'i un podü tó pert a de beles festes y santes Mësses te nosta bela dljia. Giulan de tan de porsones a nosc sorvisc.

Ince tratan les feries da d'isté n'orunse nia se desmentié de nosta comunité y tó pert a nostes zelebraziuns y festes de dljia. Ince tles feries sunse unis a Chëlbeldî, cis la domënia.

Siur Degan

Oies: en mertesc ai 16 de jügn él siur Pire che präia dër bel ëles y ëi de gni a lavé la dljia da Oies.



En mercui, ai 17.06.2015 complësc **Lois Castlunger** da Sompunt **83** agn. L'Senioreclub y düta la Comunità ti aoda düt l'bun, sanité y benedisciun de Dî.